



江蘇省地方志編纂委員會辦公室 編

江蘇歷代方志全書

44



江蘇省地方志編纂委員會辦公室編

 鳳凰出版社



江蘇歷代方志全書

—
44

蘇州府部





圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書名	江蘇歷代方志全書·蘇州府部
編者	江蘇省地方志編纂委員會辦公室
責任編輯	王劍 王愛榮 吳瓊 顧娟 崔廣洲
裝幀設計	姜嵩
出版發行	鳳凰出版傳媒股份有限公司 鳳凰出版社(原江蘇古籍出版社) 發行部電話 025-83223462
出版社地址	南京市中央路165號, 郵編: 210009
出版社網址	http://www.fhcbs.com
印刷	揚州文津閣古籍印務有限公司 揚州市開發區鴻揚路22-2號(6幢), 郵編: 211153
開本	889×1194毫米 1/16
印張	3253. 25
版次	2016年7月第1版 2016年7月第1次印刷
標準書號	ISBN 978-7-5506-2317-0
定價	79200. 00圓(全九十九冊)

(本書凡印裝錯誤可向承印廠調換, 電話: 0514-87969255)



民國吳縣志(十二)



曹允源等纂修

第四十四冊目錄

民國吳縣志（十二）

.....

〇〇一

吳縣志卷第七十下

列傳

孝義二

長洲縣

宋

王琳字逸夫少失父事母以孝聞及長弱苦於學著野客叢書三十卷引縣志

元

俞元變字邦亮少貧養母甚孝通蔡氏書傳郡校士子以專經師之嘗謂其徒曰宋亡舉子餘習非經本旨文極則反質矣朝廷取人材於斯文必求諸義理之實乎未幾延祐科舉詔下多如所云而元變於省試不屑也縣志

吳淳字伯善讀書敏行少與兄同居兄以疾廢伏枕幾二十年元季吳中被兵家人悉奔潰淳獨侍兄不去有操刃入室者淳負兄倉皇走避復遇亂兵十餘交刺淳以身蔽兄被三十餘創昏仆於地兄竟兵死淳稍蘇遂入秦餘杭山窰壘以終縣志

是

系

長

卷

七

下

列傳

孝義二

一

明

戴君用父福之洪武中因監稅失火當死君用上書請代云朝廷有法人子有父天下有倫

刑官聞於朝許之其妻吳氏守節旌表

德縣志卷四府志引姑蘇志

沈伯剛本姓孟自少爲母姨夫沈勝五後後勝五坐事當誅年且老伯剛願代死勝五不許

伯剛固欲代之時年方十七臨刑太祖怪其少問故特赦之

德縣志卷四府志引姑蘇志

朱昱父當遠戍老不能行兄先逃去時昱年十六請代往有司少之欲追逮其兄昱榜掠殆

遍肌肉消爛無怨言部使者憐之改留蘇州衛

德縣志卷四府志引姑蘇志

宋葵字克貞性至孝事父昶良謹由選貢任黃陂儒學博士願尙書瑛撫其地移文美之

志

胡拱字良器性孝友父衰悉以家事付之甚當父心仲弟失火以已屋授之不吝

德縣志

沈仲昇宋貢士埠曾孫居虎邱半塘嘗捐貲築下塘通衢凡七處追虎邱塔輪鑄金山銅像

子孟迪年十六奉邑中稅務時吳中數饑民多逃亡官責通賦孟迪盡家已田八十頃爲

之代償今名沈家田及東西郭氏世業者是也

毛鳴沈勝山志記

劉敏字孟功以禮子學行純篤少隨父於任凡可以悅親者爲之惟恐不及親歿久言及輒淚下仲弟敏久嬰疾藥餌必手治弗假僕從士有寒而來歸者周之不服有司聞其賢四授德清令鋤強植善民甚懷之後以善書徵入翰林擢中書舍人朝士多推重之修撰張洪常爲文贈之曰南北宦游來京者所稱許必曰孟功有不知孟功者蓋非賢也其重之如此卒年七十八

姑蘇志

沈年相城丐者居小舟事母至孝乞食歸陳於母前必歌舞以悅母心自忍饑寒不顧也

府志引說

南倉橋丐失其姓名乞食養父母晨出午歸午出酉歸所得物傾筐跪奉未嘗缺之

府志引說

府志

高鼎字季常啓從子永樂丙戌進士莆田知縣性至孝出入必稟命於親親政或有失平父仲銘於廨事後擊板召責鼎卽趨跪受訓故境無冤獄丁內艱歸父命課耕作執犁鋤立隴昨竟日雜傭保中一日父怒欲革其面鼎請自掌遂至坐赤服闋改令餘姚卒於官

府志

沈澄字孟淵家素封讀書尚義嘗以人材徵赴京師試事大府將授官以疾乞歸周文襄巡撫吳中訪以時政多所施行澄雅善詩尤好客海內知名之士無不造之所居曰西莊日治具燕賓客詩酒爲樂人以顧仲瑛擬之翰林金問坐事繫獄十年衣食之需皆澄周之問管謂人曰吾微孟淵爲瘼鬼矣年八十八終子貞吉號南齋恆吉號同齋父子相成不仕以耕讀自娛能詩工畫兄弟自相倡和下至僮僕皆諳文墨

盧珪字廷玉家采薪歲饑出助粟助有司賑濟授承事郎弘治初焚薪門石塘六七里建梅里普濟橋及金涇盧家橋往來者稱便吳文定公寬記其事稱爲義士

吳門補乘

金庠字養正幼隨父允誠戍雲南年八歲弟序五歲父亡母攜歸依寧溪王氏讀書中永樂乙酉舉人已丑科會試值上北征寄園子監讀書八年上還南京九月廷試賜蕭時中等及第出身列二甲十一名刑部觀政由監察御史歷刑部侍郎補父遺骨在雲南乞假同弟攜歸葬陽山著有孔子萃言文集四卷

新嘉志

朱顯字景南父勛廬墓有馴鳥之異成化十一年旌表孝行之門

姑蘇志

李恕鳴鶴人

一作庭鳳
十二歲

事親至孝母病刲股肉以療之病遂瘳鄉人稱爲鶴鳴李孝子魏

恭簡公校其元孫也唯平志引陳校復姓疏

陳興立居蠡口家貧孝事其母母年七十痿痺喪明不食他物唯城陷中臨頓橋王家糕興立每日五鼓卽之臨頓橋市糕奉母風雨寒暑無懈如是者九年一日持糕歸憩楊涇橋遇一道士問曰曷不食糕興立語之故道士曰我母病亦欲食糕出錢與興立易興立憫其老與之復入城市糕糕已盡徬徨以歸歸則道士已持糕奉其母母食道士糕目有視且能興始悟道士爲異人時以爲孝感興立殯里人立祠祀焉節獨府志引姑蘇志曰甫可獲庚一若道人但胎以宮興立非以殯其母爲者說與此並異故留以備考

沈勳字有虔封谿人成化十七年恩貢仕國子助教端重有師法時太學諸生多習爲排偶聲律之文勳謂浮華取人恐長奔競宜以篤學爲主祭酒陳驥然其說六堂肄業者一時丕變丁父憂歸服除不起出入里門必徒步里中子弟有蕩佚者召之至與講古人孝悌廉恥事命諸子奉茶撰杖以愧之遇歲歉斗米三百道殮相望勳毀家以振家漸落不悔後泊舟吳江遇盜一盜紅抹首睨良久拜曰君非沈助教乎羣盜皆拜曰是嘗活百里外人吾等何忍劫悉還所有晚年習養生術已四五年矣忽悟曰存順沒當自有正理奈何

爲左道惑自是信道彌篤臨終不亂子濟以古文名

志

蔣濂字仰仁進士廷貴子生自遺腹幼穎敏號神童四歲母徐口授小學卽成誦八歲畢四子書諸經十一作文卽有驚人語補郡學博士弟子員十四應南宮試自方岳重臣及部使者皆器重之比之江夏黃童性孝謹受母教恭肅如嚴師十七夢上帝召爲丹臺記室卒惜者方之李賀白玉樓事

唯志引邑志
里志合編

尤安禮字文度父義字從道元末辟樞密掾遭亂屏居二十年洪武中舉人才授湖廣布政司經歷以廉謹稱安禮尤醇厚少從父寓武昌與楊士奇楊翥友善以德業相勵歸補縣學生嘗行委巷邂逅一姝若將獻笑者安禮亟引去後不復由是路同學生陳某常遠戍泣告安禮吾必不生還妻當弗能守奈幼女何安禮曰我在子勿慮已而陳果死安禮贖其妻得守節安禮無子以弟之子爲後聘其女弟以女有疾難之曰吾豈食言於亡友卒娶之建文元年舉鄉薦授崇安教諭秩滿諸生詣闕請留上命增秩還任尋擢武庫郎中楊翥薦爲祭酒辭以幼學改授都御史又辭才弱乃授貴州參議謝病歸貧甚不給朝夕知府況鍾入朝楊士奇問安禮起居鍾謝不知及歸往候見所居隘陋欲割官地益之堅

辭不受卒老死陋巷中孫潛字公厚景泰癸酉舉人爲平陽教諭遷知鉛山縣改永年居官廉慎致仕歸卒

乾隆志

徐禎字世兆少孤事母盡志絕去吳下執紼之習淡泊以勵其學嘉靖壬辰進士初任刑曹多所平反不徇權貴人請屬以是拂當路意出知潯州武臨江刺袁州時分宜用事奴橫於鄉禎縛首惡者懲之憲副廣西定東蘭之叛擢參東粵平黎人之寇世廟嘉其功將大用之以母老道遠不能迎養挂冠歸築室城南整池種樹極板輿之樂母歿以哀毀卒

縣志

姚木世居婁門東陸市里家貧傭作以養父父落魄不事生業惟喜飲酒作詩木每見其父緩步庭除作吟哦聲卽私謂其妻曰汝舅因無酒故詩不就汝可急溫酒以進父好飲常至夜分木必周旋候伺未嘗入室隆冬長寒無以供父饌遂躬捕河濱果得魚焉父有怒則必跪怒未釋不敢遽起有時呼妻同跪必得父之歡顏而後已

嘉興志

徐佩長洲長人以庖人事任環環將兵禦倭佩常從及敗於海上兵死者蔽川環以一騎殿左右無人佩獨提刀捍禦已而臨渡馬少緩賊刃及環佩迎而當之遂死環得歸

乾隆志

王璽字廷用貞豐里人家本素封宅心仁厚遠近數十里內飢者食寒者衣怨曠者婚喪者
賻以至橋梁傾圯者以建寺宇頽廢者以興凡其所行動多令譽同治中重修郡志採訪
至周莊全福寺殿前峙有南谿王君行義碑其文云爾因據爲傳殿蓋璽所重新者也碑
立於前明嘉靖三十四年有撰文及書人姓名別詳金石門同治府志

王家梅字調所唯亭山人早失怙恃祖母撫養成立家梅天性孝友事祖母色養兼備迨歿
殯葬之具親自總持間於無憾陳情表云臣無祖母無以至今日祖母無臣無以終餘年
其斯之謂歟唯亭志引王氏家譜

王玉汝唯亭山人父尙賓吳庠生無意功名耽玩山水徧遊四方不知所終玉汝有至性痛
父出亡朝夕流涕憂鬱而死唯亭志引王氏家譜

張冲字應和大父景父準冲母李氏疾焚香額天割左臂一樹置湯藥以進因瘡嘗代兄服
賈燕京歸途聞父病乃倍道行遇盜砍傷其肱肱所賈金惟故人所附金未失故人子
弟來視創其不敢問冲云盜劫吾金君家金固在千金悉數還之無吝色從兄汴同母兄
滂皆孝謹縣志

顧俸字君榮號小山年十三失怙哀毀若成人每哭輒絕膺無乾土終三年喪不與酒食事母益謹弟爵爲仇擊吏持之急弟亡捕者譁於堂母惶怖欲死俸遂詣邑代對處闕土楚毒備至人多哂其愚俸曰人生等死耳死弟死親自可含笑入地妻子奚足念哉弟竟獲免母喜曰孟非獨生仲實惟生我家中落棄書就農桑收微值以供甘旨先是父歿時遺命葬於吳宮鄉一坏地至是豪右入術家言指爲吉壤乘其急以百金請俸曰卽不肖枵腹其敢棄先人之命乎與弟急治窆窆不敢復睨母歿益哀毀殯葬不遺餘力每以母苦節未顯抱憾終身後遺疾子延醫來卻之曰幸矣吾得從先人於地下矣其終身孺慕如此

唯亭志引此
可讀墓誌銘

張敬字文理封門外人以田爲業勤於力作視他農率倍入家由是充裕一鄉舉爲賦長凡賦役先期辦集邑宰稱其能且能推所有以恤人之不足性仁孝痛父早歿事母薛夙夜敬慎每籲天祝曰使吾母享百歲既而果然母誕日敬拜於前諸孫曾元羅拜於後母順之喜呼老兒子不置母歿敬年七十餘矣祥除之後悲思不已遺疾殯殆古所謂孝弟力田者歟

元相
縣志

足

系

志

卷七下

列傳孝義二

五

身

果

示

身

身

身

身

身

身

身

身

身

身

身

王曉仁字鍾南號伯唐會稽令承寵長子天性孝友父喜豪邁曉仁日具聲色與馬之樂博父歡及父官會稽公餘不綴弦歌曉仁恐父倦不給恆扁舟歸里以家資濟之父解組後更曲承善事春秋花月家列賓筵日給罔倦父嘗謂曉仁曰使我費日益而家不損老將至而我不知者皆爾力也弟與儉夫婦早世遺孤伊訓甫六歲撫諭已出延師擇配勞怨不避世無淪念比成婚越二年而列又撫遺孤視若己孫矜護倍至後季弟黼功勳遺子龍躍復撫之成立將其父所遺產悉歸之嘗捐貲重修狀元涇橋王店橋卒年七十有四

節順孝志節汪佩序太原紀略

馬珞事母孝其配以御窮故勞瘁致疾死矢不重娶所親以珞年未三十勸買妾不聽復勸其母母命之不得已置一女婢已而嫁之仍處子也義聲聞里黨有司上其事以義夫旌子驥爲翰林孔目

節順志

王良相府學諸生年三十病危妻憂之得疾遽死後或勸之娶曰妻以我病憂死我以妻死復娶非人情也歸居四十年郡守義之居市里嘉靖時人

同上

郭琮字汝禎少孤事母孝友沈周以父誅株繫琮爲代償山之

志

顧淳年弱冠父患頭風痛不可忍呼淳與訣欲自殺淳禱於天剪髮際肉和藥以進病立瘳

上同

顧愛石市里人幼值母病夜半赴神廟哀籲割右臂肉瘳母後父病割左臂肉亦如之

上同

金孝子失名父末疾不能行有所詣必負之往還家火災倉皇中婦已負父出孝子誤爲在

床褥也冒烈焰入焚死市里人

節元和縣志

顧嘉會字觀鶴市里人弱冠父病割股以進父尋瘳事在萬歷間

萬府志引東恒中市里志

陸鍾十歲喪父哀毀踰禮後奉母盡孝兩遇寇盜負母出哀呼勿令吾母受驚盜舍之去

節萬

縣志

蔣邱字子豐號日峯孝廉煥嗣子事母以孝聞隆慶間以選貢廷對授義烏縣學教諭董生

中教作養人材爲諸學博士晚年歸里與從弟夢龍互以耆碩相砥礪式後進不欲以文

人自居著有詩文集若干卷

惟平志

蔣國器字用卿號成吾夢龍從弟力學工文爲馮汝金上足萬歷壬午舉於鄉持身端恪取
下寬和事親孝喪葬禮與哀稱兄物兼理其家撫姪成立遇歉歲出粟贖貧獨租焚券還

是

系

上

卷七下

列傳孝義二

六

近德之

唯平志節
張鳳翼傳

杜遵家貧苦傭力養親父母相繼物手自穿竄負土以葬之鄉人繪圖以傳其事

節節
志節

順宗孟字嚴叟少孤母莊守節教之孟歷己未成進士授定海知縣天啓辛酉有調援之役定兵怒其帥婪侵鼓噪劫掠宗孟至武場諭以大義卽解散就伍乃按籍抽選嚴隊進發潛疏渠首於巡撫正法焉在任五年及去民爭攀留周順昌逮下詔獄宗孟力任梁領之事尋乞終養歸崇禎初起爲福建參議以母老辭不赴居喪哀毀三年不御酒肉卒年五十有二人稱孝介先生當時與文震孟姚希孟有吳中三孟之目

節節府志
引傳國傳

朱祖文字叔經一字完天諸生祖先以禦倭功累陞都督僉事世襲蘇州衛指揮祖文少孤母劉勵節撫之及長讀書勵行痛母節未揚居恆鬱鬱周順昌初未識祖文文震孟言其狀心憐之白之當事得旌部牒下郡祖文始知感激泣下誓以死報無何順昌忤魏忠賢被逮時環燄燄其親友莫之敢近祖文獨詣順昌所願先往爲之地遂開行至都周旋往來幾爲通者所得及徵賕令急祖文思貸金完之以緩其死都門不足奔走定興吳橋告急於順昌之友鹿善繼范景文等單騎冒暑開關千餘里拮據稍就而順昌已斃獄矣既